



CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE VIGO PARA A EXECUCIÓN DE OBRAS DE SUBSTITUCIÓN DE FIRMES EN VIAIS MUNICIPAIS NAS DIFERENTES PARROQUIAS DO CONCELLO DE VIGO

En Vigo, 11 de agosto de 2016

REUNIDOS

Dunha parte, Dona María del Carmen Silva Rego, Presidenta da Deputación Provincial de Pontevedra, na representación legal que da mesma lle atribúe o artigo 34.1.b) da Lei 7/1985, de 2 de abril, Reguladora das Bases de Réxime Local.

Doutra, Don Abel Caballero Álvarez, Alcalde-Presidente do Concello de Vigo, na representación legal desta Administración municipal, que lle atribúe o artigo 124.4.a) do mesmo texto legal.

Recoñécense mutuamente os comparecentes a capacidade e a representación necesaria para a sinatura do presente convenio de colaboración, e a estes efectos

EXPOÑEN

I.- Que, no exercicio das súas respectivas competencias, a Deputación Provincial de Pontevedra e o Concello de Vigo, con data 20 de novembro de 2015, asinaron un protocolo de colaboración en orde a afondar na colaboración administrativa entre ambas institucións e, especialmente, para a cooperación na planificación e execución dos proxectos e actuacións que no propio convenio se sinalan; actuacións e proxectos entre os que se inclúen, no que ao presente convenio importa, os encamiñados á transformación sostible da infraestrutura viaria municipal.

II.- Que no devandito protocolo de colaboración se convén que as distintas actuacións nel previstas se desenvolverán a través de convenios específicos, cuxa execución administrativa, técnica e contractual corresponderá ao Concello de Vigo, que deberá observar os procedementos de avaliación e seguimento da execución dos convenios a establecer nestes.

III.- Que o Concello de Vigo, en execución das súas previsións para a transformación sostible do viario municipal, considera necesaria a substitución dos firmes de distintos viarios en



diferentes parroquias do termo municipal, alcanzando a necesidade da substitución aos viais municipais que seguen:

- Sárdoma: estrada Miraflores
- Castrelos: camiño Viloura
- Candeán: camiño Monte Vixiador
- Teis: Avenida Dona Fermina
- Alcabre: camiño Forte e camiño Cruceiro.
- Coruxo: camiño Viño
- Matamá: rúa Roupeiro e estrada Beirán.
- Zamáns: estrada Marcosende
- Bembrive: Arieiro
- Zona Bouzas: rúa Covadonga e rúa Eduardo Cabello
- Zona Castro: rúa Arines, rúa Couto, rúa Marqués de Alcedo
- Zona Praza América: rúa Pastora

IV.- Que os servizos técnicos municipais, de acordo co proxecto que se anexa o presente expediente, estiman nun máximo de novecentos dous mil cento corenta e catro euros con noventa e seis céntimos (902.144,96 €) IVE incluído, o custe da execución dos proxectos de obras de substitución de firmes nos viarios municipais arriba relacionados e da contratación da asistencia técnica á dirección de obra.

V.- Que, de acordo coas precedentes consideracións e en desenvolvemento do protocolo de colaboración referido no punto primeiro, que contempla, segundo vai dito, como un dos seus obxectivos estratéxicos a transformación sostible das infraestruturas viarias e dotacionais, como é a actuación de substitución de firmes á que o presente convenio se refire, a Xunta de Goberno Local do Concello de Vigo e a Deputación Provincial de Pontevedra, á vista da natureza e importancia que para a cidade de Vigo teñen estas actuacións, acordaron aprobar o presente convenio de colaboración, que asinan agora os aquí comparecentes, con arranxo aos seguintes

PACTOS

PRIMEIRO: OBXECTO DO CONVENIO

Ó obxecto do presente convenio é o de establecer e concretar o réxime de colaboración entre ambas administracións locais para o financiamento da execución dos proxectos de obras de



substitución de firmes, nos viarios que se relacionan na parte expositiva deste convenio, e para o financiamento da contratación da asistencia técnica á dirección das obras.

SEGUNDO: FINANCIAMENTO DO CONVENIO

As obras ás que se refire o presente convenio serán financiadas pola Deputación Provincial.

A Deputación provincial obrígase a achegar ó Concello de Vigo o importe correspondente o custe da contratación da execución das obras e o da asistencia técnica á dirección de obra, ata a cantidade máxima de novecentos dous mil cento corenta e catro euros con noventa e seis céntimos (902.144,96 €), para o conxunto das dúas contratacións referidas.

O financiamento comprometido en relación as obras licitadas, atenderá ao importe definitivo derivado da certificación final das obras executadas, o cal terá como límite máximo o importe acordado, e o seu pagamento realizarase contra a aplicación 2016/942.9420.762.14 do vixente orzamento provincial.

No caso de que os investimentos realizados teñan un custo inferior ó inicialmente previsto e sempre que isto non supoña unha execución deficiente da totalidade dos proxectos, a contía da achega reducirase proporcionalmente.

TERCEIRO: EXECUCIÓN DO CONVENIO

1º.- A execución dos contratos a que o presente convenio se refire e o financiamento dos mesmos pola Deputación Provincial terá lugar no ano 2016. Non obstante, o eventual reaxuste da anualidade da execución dos ditos contratos provocará o reaxuste da anualidade do presente convenio, a cuxo efecto o Concello de Vigo, previa proposta da Comisión de Seguimento do convenio, dará audiencia á Deputación Provincial no expediente que se inicie para o reaxuste da anualidade de calquera dos ditos contratos e da resolución que se dite.

2º.- Aprobado que sexa o proxecto ou proxectos de obras de substitución de firmes a que o presente convenio se refire, o Concello de Vigo remitirá copia destes á Deputación Provincial para o seu coñecemento.

3º.- Formalizado o contrato ou contratos de obras para a execución do proxecto ou proxectos a que se refire o anterior parágrafo, remitirase copia do mesmo ou dos mesmos á Deputación Provincial e comunicarse a esta a data e hora en que terá lugar a comprobación do replanteo, á que asistirá, de consideralo procedente a Corporación provincial, un representante desta. Copia da acta que se levante será remitida á Deputación Provincial coa primeira certificación de obra que expida o director da mesma

4º.- O Concello de Vigo comunicará á Deputación Provincial a data e hora en que terá lugar, ao remate das obras do proxecto ou proxectos, o acto de recepción destas, ao que asistirá, de



consideralo procedente a Corporación provincial, un representante ou facultativo desta. A Administración municipal remitirá á provincial copia da acta do dito acto de recepción e certificación das resolucións da Xunta de Goberno Local aprobatorias da recepción das obras executadas e da certificación final das mesmas.

5º.- Formalizado que sexan o contrato ou contratos de servizos para a asistencia técnica á dirección das obras, remitirase copia dos mesmos á Deputación Provincial así como dos abonos a conta que en execución dos mesmos se poidan producir, que deberán ser reembolsados a Administración municipal.

En todo caso, a achega ao Concello de Vigo farase efectiva mediante transferencia bancaria, unha vez presentada a seguinte documentación.

- Orixinal ou copia compulsada das facturas expedidas polas empresas adjudicatarias dos traballos realizados.
- Certificacións de obra executada. Xunto coa primeira certificación se remitira unha proba gráfica da difusión dada ó investimento que se financia coa axuda da Deputación.
- Certificación ou acto de aprobación/conformidade dos gastos polo órgano municipal.
- Nomeamento do Director de obra e coordinador de seguridade e saúde.
- Contrato/s de adjudicación da/s obra/s, nos casos que sexa necesario.
- Acta/s de recepción, unha vez rematado/s os investimentos.
- Declaración do conxunto de axudas solicitadas, tanto as aprobadas ou concedidas como as pendentas de resolución, para a actividade obxecto deste convenio, das distintas administracións públicas competentes ou calquera dos seus organismos, entes ou sociedades.

O concello poderá realizar xustificacións parciais, que responderán ao ritmo de execución do investimento, que se aboarán pola contía equivalente á xustificación presentada.

CUARTA.- COMPROMISOS DO CONCELLO

O Concello de Vigo obrígase a:

- Redactar e aprobar o/s correspondente/s proxecto/s de obra, debendo remitir un exemplar aprobado á Deputación Provincial.
- Contratar as asistencias técnicas á dirección de obra e coordinación de seguridade e saúde.
- Obter as correspondentes licenzas e tramitar ante outros organismos as autorizacións pertinentes que fosen precisas.



- Licitar, dirixir, executar, controlar e recepcionar as obras segundo os correspondentes proxectos técnicos.
- Remitir, unha vez formalizados os contratos de obra, unha copia destes á Deputación Provincial, e comunicar a data e hora en que terá lugar a comprobación do replanteo, á que asistirá, de consideralo procedente un representante da Deputación.
- Xustificar perante a Deputación os investimentos realizados mediante a expedición das correspondentes certificacións de obra aprobadas polo órgano competente do Concello; aboándose para cada certificación que se presente a parte proporcional en relación ao custe total do investimento.
- Comunicar á Deputación a data e hora en que terá lugar o acto de recepción das obras, ao que asistirá, de consideralo procedente, un representante da institución provincial.
- Dar a adecuada publicidade a este convenio, de tal xeito que quede constancia que as obras obxecto do mesmo se levaron a cabo en colaboración coa Deputación de Pontevedra.
- Levar a cabo o mantemento e conservación das infraestruturas obxecto deste convenio, tendo a asunción da dita responsabilidade desde o día seguinte ao da formalización da acta de recepción de obras coas obrigas establecidas na normativa patrimonial das administracións públicas.
- Destinar os fondos percibidos ó obxecto concreto para o que foron concedidos.
- Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.
- Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ó Tribunal de Contas e ao Consello de Contas.

Asemade, o Concello de Vigo comprométese ao cumprimento das obrigas contidas na Lei 9/2007, do 13 de xuño, de Subvencións de Galicia e en especial as recollidas no artigo 11 da mesma. Tamén será de aplicación o establecido no Decreto 11/2009, do 8 de xaneiro, na Lei 38/2003 Xeral de Subvencións e no seu regulamento, aprobado polo Real Decreto 887/2006, de 21 de xullo.

QUINTO.- COMPROMISOS DA DEPUTACIÓN

A Deputación de Pontevedra comprométese a financiar os custes derivados da realización das obras, incluídos os honorarios de dirección de obra e coordinación de seguridade e saúde, ata a cantidade máxima de novecentos dous mil cento corenta e catro euros con



noventa e seis céntimos (902.144,96 €), de conformidade co disposto na cláusula segunda, que será librada contra a presentación das correspondentes certificacións de obra e facturas do gasto efectuado e na parte proporcional do financiamento.

Se da certificación final de obras resultase cantidade a pagar ao contratista, a Deputación provincial comprométese a reembolsar a dita cantidade ao Concello de Vigo, tendo en conta o límite máximo establecido no pacto segundo.

A Deputación Provincial someterá os proxectos de obra obxecto deste convenio á supervisión e comprobación dos seus servizos técnicos, e se o estima oportuno, poderano someter á aprobación do órgano de goberno que corresponda, coa finalidade de autorizar as actuacións previstas nos mesmos.

A Deputación Provincial poderá inspeccionar a execución das obras obxecto do presente convenio e formular as observacións que estime pertinentes, sen prexuízo de que corresponda en exclusiva ó órgano de contratación e ós responsables dos respectivos contratos a emisión das ordes e instrucións que procedan

Non obstante, as actuacións estarán sometidas á comprobación explícita da execución da obra por parte dos servizos técnicos da Deputación Provincial.

Nas subvencións de capital superiores a 60.000 euros, no seu cómputo individual, destinadas a investimentos en activos tanxibles, será requisito imprescindible a comprobación material da inversión polo órgano concedente debendo quedar constancia no expediente xustificativo.

A comprobación material definida no parágrafo anterior poderase encomendar a outro órgano distinto do que concedeu a subvención.

SEXTA: PUBLICIDADE

En toda a documentación e informacións relativas ás actuacións a que se refire o presente convenio se incluírá a imaxe corporativa que a este fin facilite a Deputación Provincial de Pontevedra e nelas figurará, tamén, de maneira destacada o financiamento das ditas actuacións pola Deputación Provincial. Nas obras figurará sempre un panel informativo no que, ademais dos datos necesarios esixidos pola normativa municipal, figurará a imaxe corporativa da Deputación Provincial de Pontevedra e o financiamento da Administración provincial destas actuacións viarias.

SETIMA.- COMPATIBILIDADE CON OUTRAS SUBVENCIÓNS

Conforme o disposto no artigo 40.1º, letra d) do Decreto 11/2009, a achega económica prevista no presente instrumento será compatible con outras subvencións, ingresos ou



recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo das obras subvencionadas.

OITAVA: COMISIÓN DE SEGUIMIENTO

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por tres representantes de cada unha das Administracións asinantes, un dos cales terá carácter técnico.


Corresponderá á Comisión de Seguimento:

- A puntual recepción de información sobre tódalas as actuacións que se produzan na execución dos contratos a que este convenio se refire
- A coordinación entre as administracións asinantes na execución e financiamento do convenio, ditando ao efecto as instrucións oportunas
- A resolución das dúbidas que presente a interpretación do convenio e, no seu caso, a emisión de informe se a dúbida ten de ser resolta polos órganos de goberno das administracións asinantes.
- A emisión informe en relación coa necesidade do reaxuste da anualidade do convenio e en relación con cantas incidencias se produzan na execución dos contratos a que este se refire.
- A formulación das propostas que procedan en relación ás cuestións a que os seus informes se refiran.

A Comisión de Seguimento reunirse cando o estime convinte o seu responsable, por decisión propia ou a petición de calquera dos seus membros, e en todo caso unha vez ao mes. As súas reunións terán lugar na Casa do Concello de Vigo. Na reunión constituínte da Comisión de Seguimento designarase ao responsable da mesma e ao seu secretario que levantará acta das súas reunións.

NOVENA: VIXENCIA

O presente convenio producirá os seus efectos desde a data da súa sinatura ata o total execución dos contratos a que o mesmo se refire, sen que en ningún caso o seu prazo de vixencia poida superar os catro anos, contados desde a súa sinatura.

**DÉCIMA: EXTINCIÓN DO CONVENIO**

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- 1º.- O transcurso do prazo máximo de vixencia do convenio.
- 2º.- O acordo unánime dos asinantes.
- 3º.- O incumprimento das obrigas e compromisos asumidos por parte dalgún dos asinantes.

Neste caso, notificarase á parte incumplidora un requirimento para que, no prazo que se sinale, cumpra coas obrigacións ou compromisos que se consideran incumplidos. Este requirimento será comunicado tamén ao responsable da Comisión de Seguimento.

Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos danos e perdas causados.

4º.- Por decisión xudicial declaratoria da nulidade do convenio.

5º.- Por calquera outra causa distinta das anteriores prevista no convenio ou noutras leis.

UNDÉCIMA: RÉXIME XURÍDICO.

O presente convenio ten natureza administrativa e rexerese pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución dos orzamentos das Administracións asinantes e as restantes normas de dereito administrativo, e no seu defecto, as normas de dereito privado.

O Alcalde-Presidente do Concello de Vigo A Presidenta da Deputación de Pontevedra

Asdo.: Abel Caballero Álvarez

Asdo.: M^a Carmen Silva Rego

**CONCELLO
DE VIGO**



 **DEPUTACIÓN
PONTEVEDRA**

A Secretaria do Concello de Vigo,

O Secretario da Deputación de Pontevedra,

Asdo.: M^a Concepción Campos Acuña



Asdo.: Carlos Cuadrado Romay

